



Broj: 12/08-27-10158-6/17
Zenica, 21.08.2017.godine

Na osnovu člana 70. stav (1), (2) i (3) Zakona o javnim nabavkama ("Službeni glasnik BiH" broj:39/14) i Zapisnika o pregledu i ocjeni ponuda, broj: 12/08-27-10158-5/17 od 18.08.2017. godine, u otvorenom postupku javne nabavke za radove broj: 1417-1-2-9-3-8/17 od 17.07.2017.godine (obavještenje o nabavci broj: S1-10723-17 „Službeni glasnik BiH“, broj: 52/17 od 21.07.2017. godine), direktor Kantonalne direkcije za ceste Zeničko-dobojskog kantona, donosi:

ODLUKU
o izboru najpovoljnijeg ponuđača

I

U otvorenom postupku javne nabavke za usluge, broj: 1417-1-2-9-3-8/17 od 17.07.2017.godine, za LOT 1 – Izrada glavnog projekta rekonstrukcije regionalne ceste R-445 Bilješevo-Podlugovi, dionica Kakanj (kružni tok)-Visoko-Podlugovi (granica kantona) dužine 23 km, ponuda ponuđača Javno preduzeće za prostorno planiranje i uređenje grada "ZENICA" d.o.o Zenica (broj: 03-1-7597/17 od 09.08.2017. godine) izabrana je kao najpovoljnija.

II

Ponuđač Javno preduzeće za prostorno planiranje i uređenje grada "ZENICA" d.o.o Zenica (ID broj: 4218080080000), adresa Mehmedalije Tarabara br.15, Zenica, dužan je dostaviti dokumente iz člana 45. stav (2) tačka od a) do d) Zakona o javnim nabavkama BiH („Službeni glasnik BiH“ broj 39/14) navedene u tački 12.3.1. i dokumente iz tačke 12.5.2. tenderske dokumentacije i to u roku od 5 (pet) dana od dana zaprimanja Odluke o izboru najpovoljnijeg ponuđača.

Ugovorni organ će odbaciti ponudu ponuđača u slučaju da izabrani ponuđač propusti blagovremeno dostaviti validne dokumente iz stava (1) ovog člana.

U skladu sa članom 72. i 98. stav (1) Zakona o javnim nabavkama BiH („Službeni glasnik BiH“ broj:39/14) ugovorni organ zaključit će ugovor sa najpovoljnijim ponuđačem iz tačke I i II ove Odluke nakon isteka roka od 15 (petnaest) dana od dana kada su svi ponuđači obavješteni o izboru najpovoljnije ponude.

III

Ponuda grupe ponuđača „Modus Projekt“ d.o.o. Kakanj i „AIK-inženjering“ d.o.o Banovići se u skladu sa članom 68. Zakona o javnim nabavkama BiH („Službeni glasnik BiH“ broj: 39/14) odbacuje jer nije potpuna i ne ispunjava zahtjeve iz tenderske dokumentacije (tačka 41.1 i 41.3 tenderske dokumentacije).

Obrazloženje

Postupak nabavke pokrenut je Odlukom broj: 12/08-27-10158/17 od 13.07.2017. godine. Javna nabavka provedena je po otvorenom postupku javne nabavke za usluge u skladu sa članom 25. Zakona o javnim nabavkama BiH („Službeni glasnik BiH“ broj: 39/14).

Obavještenje o nabavci broj: 1417-1-2-9-3-8/17 objavljeno je na Portalu javnih nabavki 17.07.2017. godine.

Komisija za javne nabavke imenovana rješenjem broj: 12/08-27-10158-3/17 od 09.08.2017. godine, ugovornom organu blagovremeno je dostavila zapisnike o otvaranju i o pregledu i ocjeni pristiglih ponuda.

U predviđenom roku za LOT 1 pristigla je ukupno 3 (tri) ponude.

U postupku pregleda i ocjene pristiglih ponuda, Komisija je konstatovala da:

Ponuda grupe ponuđača „Modus Projekt“ d.o.o Kakanj-„AIK-inženjering d.o.o Banovići dostavljena za LOT 1 odbacuje se iz razloga jer ponuda nije dostavljena u skladu sa tačkama 41.1 i 41.3 tenderske dokumentacije.

Prema tački 41.1 tenderske dokumentacije ponuđač treba dostaviti izjavu da će u slučaju prihvatanja ponude, dostaviti Ovlaštenje za obavljanje poslova projektovanja (projektovanje građevina i zahvata iz područja niskogradnje i to za građevinski projekat ceste) ili Ovlaštenje za obavljanje poslova nostrifikacije investiciono tehničke dokumentacije (oblast niskogradnja i to za građevinske projekte ceste) izdato od strane Federalnog ministarstva prostornog uređenja.

Prema tački 41.3. tenderske dokumentacije, svi članovi grupe ponuđača su dužni pojedinačno dostaviti Izjavu iz tačke 41.1 tenderske dokumentacije.

Prilikom pregleda i ocjene ponude grupe ponuđača „Modus Projekt“ d.o.o Kakanj-„AIK-inženjering d.o.o Banovići „, konstatovano je da dokazi za tačke 41.1 i 41.3 nisu dostavljeni na način propisan naprijed navedenim tačkama tenderske dokumentacije.

Za člana grupe ponuđača „AIK-inženjering dostavljeno je Ovlaštenje za obavljanje poslova projektovanja broj UPI/03-23-2-320/12 od 28.02.2017.godine.

Za člana grupe ponuđača „Modus Projekt“ d.o.o Kakanj, u ponudi, nije dostavljena Izjava koja je propisana tačkom 41.1., a sve navedeno nije u skladu sa tačkom 41.3 tenderske dokumentacije (Svi članovi grupe su dužni pojedinačno dostaviti Izjavu iz tačke 41.1 tenderske dokumentacije)

U skladu sa tačkom 23. tenderske dokumentacije, a na osnovu kriterija najniža cijena tehnički ispravne ponude, Komisija je izvršila rangiranje ponuda kako slijedi:

R/br	Ponuđač	Ukupna cijena ponude bez PDV-a	Dati popust	Ukupna cijena ponude sa popustom bez PDV-a
1.	Javno preduzeće za prostorno planiranje i uređenje grada “ZENICA” d.o.o Zenica	49.565,00 KM	12.391,25 KM (25 %)	37.173,75 KM
2.	“TRASA” d.o.o Sarajevo	41.000,00 KM	-	41.000,00 KM

Na osnovu sačinjene rang liste, Komisija je jednoglasno predložila ugovornom organu, da donese Odluku o odabiru najpovoljnije ponude za ponuđača Javno preduzeće za prostorno planiranje i uređenje grada “ZENICA” d.o.o Zenica.

Ugovorni organ prihvatio je preporuku Komisije za javne nabavke da se najpovoljnijem ponuđaču dodijeli Ugovor za LOT 1 – Izrada glavnog projekta rekonstrukcije regionalne ceste R-445 Bilješevo-Podlugovi, dionica Kakanj (kružni tok)-Visoko-Podlugovi (granica kantona) dužine 23 km.

Zbog svega naprijed navedenog odlučeno je kao u dispozitivu.

Odluka će se objaviti na službenoj stranici ugovornog organa www.zdk.ba i to istovremeno s upućivanjem odluke ponuđačima koji su učestvovali u postupku javne nabavke.

Ugovorni organ će u skladu sa članom 70 i 71. Zakona o javnim nabavkama, Odluku o izboru najpovoljnijeg ponuđača dostaviti svim učesnicima postupka zajedno sa Zapisnikom o pregledu i ocjeni ponuda.

Pouka o pravnom lijeku:

Protiv ove Odluke može se izjaviti žalba Kantonalnoj direkciji za ceste Zeničko-dobojskog kantona u roku od 10 (deset) dana od dana prijema ove Odluke, na način propisan članom 99. Zakona o javnim nabavkama BiH („Službeni glasnik BiH“ 39/14).

Dostavljeno:

1 x Najpovoljniji ponuđač,
1 x a/a



DIREKTOR

Refik Zeković